

«ДЖЕНК ВЕ ИНСАН ТАКЪДИРИ.

*Абкъар Абдураимовнынъ тақъдири акъкъында
архив весикъа»*

иджадий иш

Ишни азырлады:

Сейтмеметова Улькера

КъДж ДБОМ «Къибиғи»

7-В сыныф талебеси

Акъмесджит шеэри

2020

Дженк – тарихнынъ къоркъунчлы ве дешетли саифесидир. О, нидже-nidже инсан ве къоранталаргъа гъам, кедер, олюм, сакъатлыкъ, ёкъузлышъ, козъяш, терен дерт, фелякет, бахтсызлышъ кетире. Экинджи Джан дженки 75 йыл эвельси битти, амма дженк излери даа силинмеди, къара дженк хаберлери эп кельмекте.

Нидже йыллар кечсе де, дженк иштиракчилерининъ такъдири акъкъында араштырмалар девам этмекте. Мен де бизим къорантамызгъа аит олгъан бойле бир араштырма акъкъында икяе этмек истейим. Меним икяем Абхаиров Мунир къартбабамнынъ къартбабасы Абдураим Абкъар, онынъ такъдирине ве нидже йыллар кечкен сонъ, торунлары алгъан фаджиалы дженк хаберине багъышланы.

Бираз кечмишке далайыкъ... 1895 сенеси сентябрь 12 куню, Керич ярымадасында ерлешкен эски Къоджанкы коюнде Абдураим ве Макъсуде адий къырымтатарларнынъ къорантасында дёртюнджи бала – Абкъар дюньягъа кельди. Къорантада энди Абзаир, Сайде, Мусфире балалар осюоп кельмектелер, Абкъардан сонъ бир къач йыл кечип, кендже огъул Абазий дюньягъа келеджек.

Къоранта башы Абдураим деде, нидже къырымтатарлар киби, пек ишкир, тертипли инсан эди, онынъ элинде ун дегирмени, бир къач аты, сыгъыры, къою ве арпа-богъдай сачкъан топрагъы бар эди. Йыллар кечти, балалар осъти, уйкен несиль омурден кетти, янъы несиль аяткъа кирди, окъуды, аят дерслерини алды.

Къырым тарихы эр дайм мусибетлерге толу эди. Чарлар тахттан эндирильди, чешит-тюрлю акимиетлер бири-бирини деньиштириди, дженклер, инкъиляплар, ачлыкъ, хорлукъ эп къайта-къайта адий къырымтатарларнынъ башына кельди, беля кетирди. Большевиклер заманында Абдураим деденинъ къорантасыны «кулак», яни зенгин оларакъ таныдылар. Уйкен огълусы Абзаир къорантасыны къорчаламакъ ве сакъламакъ ичюн бутюн мал-мулькюни устюне алыш, «кулак» олып

Архангельсккес сюргүн этильди. Кучь ве эмек иле эльде этильген къорантанынъ бутюн зенгинлиги советлер акимиетининъ элине кечти. Кучюк къардашлары исе эллерине «вольная», яни сербест яшамагъа имкян берген весикъа алышп, Къоджанкъы коюнден кетмеге меджбур олдылар. Керич шеэринде ве башкъа койлерде озь аятыны девам этмеге тырыштылар.

Йыллар кечкен сонъ Абкъар къартдеде Къоджанкъыгъа къайтты, эв къурды, Левазе адлы къызинен эвлени, 1926 сенеси январь 25 куню олар оғылан баланынъ ана-бабасы олдылар, адыны Эдем къойдылар. О, чокъ йыллар кечкен сонъ, Мунир къартбабамынъ бабасы оладжакъ. Аджджы ве хайырлы куньлер олгъан омюр девам этти. Абкъар къартдеде колхозда механик оларакъ чалышты, 1930-джы сенелернинъ башында агъыр хасталықтан омюр аркъадашы вефат этте, оғылусынен экиси бири-бирине тутунып, яшайышларыны девам этелер.

1941 сенеси дженк башланды. Абкъар къартдедем 46 яшында, биринджи сырада дженкке алымайып, партизанларгъа къошулды, баскынджыларгъа къаршы куреш алыш барды. 1941 сенесининъ сонъунда джебэге алына ве бундан сонъ Абкъар къартдеденинъ изи джоюла. Бельки, мектюп язғандыр, озь акъкъында хабер бергендир, амма шу акъта ич малюматымыз ёкъ.

1944 сенеси халкъымыз къарт-яш демейип, озь ана топрагындан сюргүн этильди, дженк битти, амма кырымтатар халкъы гъалебени гъурбетте къаршылады. Мудхиш дженк ве сюргюнлик ёллары, ят ерлерде къыйын яшайыш халкъымызын ипратты, чокъ шейлер, бильгилер, инсанлар, весикъалар, аиле дегерликлери гъайып олды. 75 йыл девамында къорантамыз Абкъар къартдеде, онынъ такъдири акъкъында ич бир шей бильмеди.

Бир къач йыл эвельси анамнынъ эмджеши – Экрем Абхаиров – къартбабамыз акъкъында малюматларны <https://www.obd-memorial.ru> сайтында къыдырмагъа башлады ве акъикъий муджизе олды – алманларнынъ архивлеринде сакълангъан весикъа тапылды. (Менбаа <https://www.obd-memorial.ru/html/info.htm?id=300557255>). Бу фаджиалы весикъа айлемизнинъ

кедерли дегери олып къалды ве Абдураим Абкъар къартдедемнинъ такъдири акъкъында тариф этти.

Весикъагъа коре, о, 1942 сенесининъ июль 11 куню Ворошиловград (шымди Луганск) шеэрининъ янында джебэ урушларында немселернинъ къолуна эсир тюшти. 1943 сенесининъ январь айында «ШТАЛАГ 367» лагерине кетирильди. 1943 сенесининъ март 6 куню эсирликте вефат этти.

Кунюмизде, архивлер ачылгъан соң, джебэ урушлары ве дженк эсирлери акъкъында бильгилер мейдангъа чыкъмагъа башлады. «ШТАЛАГ 367» лагерь акъкъында малюм та белли олды.

Шталаг (алман тилинден къыскъартылгъан – Stammlager) – алман силялы кучълерининъ лагерьлери. 367-джи шталаг Полониядаки Варта озени янында эски Ченстохау (шымди Ченстохова) шеэринде ерлешкен эди, 1939 сенесинден башлап ишлетильди, 1941 сенесининъ сентябрь айындан 1944 сенесининъ август айына къадар совет ордусында хызмет эткен арбий эсирлерни къабул эте эди. Дженк теткъикъатчыларынынъ бильдиргенине коре, анъылгъан муддет ичинде мында мудхиш шараитлерге даянмайып, ачлыкътан, хасталыкътан 17 бинъ арбий эсир эляк олды я да къуршунгъа тизильди. Оларнынъ арасында бизим къатдедемиз – Абдураим Абкъар эди.

Лагерьде эляк олгъан арбий эсирлер лагерь этрафында балабан чукъурларда комюле эди. 1947-1951 сенелери Ченстохова шеэриндеки Куле мезарлыгъында къардашлыкъ мезарларына гъайрыдан дефн этильдилер. Абкъар къартдедемнинъ соң мекяны узакъ Полонияда экен.

Миллий ве аилевий тарихларында пек чокъ къара саифелер бардыр. Биз – яш несиль буны бильмек ве хатырамызда дайма тутмакъ керекмиз, чюнки бу саифелер кечкен несиллеримиз, баба-деделеримизнен багълыдыр. Кечмишимизни унутмамакъ, бильмек ве оны огренмек – яш несильнинъ эсас вазифелеринден бири олмалы.

Малюмат алынгъан менбалар:

1. <https://www.obd-memorial.ru/html/info.htm?id=300557255>
2. Stalag 367 Tschenstochau // <http://war15.ru/pages/history/captives/stalag367/>

3. Шталаг 367 Ченстохово // <http://www.sgvavia.ru/forum/78-436-1>
4. Нацистские лагеря в Польском генерал-губернаторстве / Шталаг-367 в городе Częstochowa/Ченстохова // <http://voenspez.ru/index.php?topic=5909.0>